



REPUBLIKA E KOSOVËS - REPUBLIKA KOSOVA - REPUBLIC OF KOSOVO		
KOMUNA E PODUJEVËS - MUNICIPIALITY OF PODUJEVA		
DREJTORIA E ADMINISTRATËS - UPRAVA ADMINISTRACIJE		
Dërguar më Dostavljeno	31/03/2022/	
Nr. llogar. Org. led.	Nr. Br.	Shtypje - Prllog
02-300/01-0074277/21 2/2		
PODUJEVË - PODUJEVO		



Komuna e Podujevës

ANEKS MEMORANDUM BASHKËPUNIMI

Ndërmjet

Business Support Center Kosovo (BSCK) - përfaqësuar nga Drejtori Ekzekutiv **Besnik A. KRASNIQI**

dhe

Komuna e Podujevës përfaqësuar nga Kryetari i Komunës z. **Shpejtim BULLIQI**

Në

Mbështetje të zbatimit të Projektit të BSCK

“Ngritja e kapaciteteve profesionale të të rinjëve dhe bizneseve aktive për zhvillimin e aftësive dhe shkathtësive për ndërmarrësi dhe biznes plane, si dhe dhurimin e granteve për biznese në Komunën e Podujevës”

Duke u bazuar në nenin 8, pika 8.1 i memorandum bashkëpunimit të lidhur me datën 27/08/2021 me nr. Protokolli 02-300/01-0074277/21 në mes të Komunës së Podujevës dhe BSCK bëhet plotësim/ndryshim i nenit 4, pika e) dhe f) me sa vijon:

Neni 4:

- e) Furnizimi me pajisje pune (implementimi i grantit) do bëhet nga vetë përfituesit ndërsa, Komisioni përshqyrtimin e kërkesave për mbështetje dhe ofrim të ndihmave nga kategoria e mjeteve buxhetore subvencione dhe transfere do bëjë verifikimin e blerjes të pajisjeve dhe konstatimin e gjendjes nga tereni përmes vizitave direkte te pjesmarrësit dhe të përgatit procesverbal individual për secilin përfitues i cili nënshkruhet edhe nga përfituesi.

- f) Përfituesit obligohen ti sjellin faturat me përmbajtje të produkteve të mbështetura nga Komuna për blerjen e pajisjeve. Komuna e Podujevës do të bëjë pagesën (kompensimin) pas konstatimit të organit përkatës komunal që janë përmbushur të gjitha kriteret e kërkuara në harmoni me aplikacionet dhe vlerat e përfituara.
- Palët janë dakord dhe me vullnet të plotë kanë bërë ndryshimin dhe plotësimin e kësaj marrëveshje.
 - Ky Aneks hynë në fuqi ditën e nënshkrimit.

Datë: 31/03/2022, Podujevë.

PALËT NËNSHKRUESE

Prof. asoc. dr. Besnik A. KRASNIQI

Drejtor i BSCK-së



z. Shpejtim BULLIQI

Kryetar i Komunës së Podujevës





REPUBLIKA E KOSOVËS - REPUBLICA KOSOVA - REPUBLIK U KOSOVË KOMUNA E PODUJEVËS - MUNICIPALITY OF PODUJEVE DREJTORIA E ADMINISTRATËS - UPRAVA ADMINISTRACIJE		
Dërguar më Dostavljeno 27/08/2021		
Nr. Org. Org. kod.	Nr. Br.	Shtypje - Prilog
02-300/04-0074277/21		
PODUJEVË - PODUJEVO		



Komuna e Podujevës

MEMORANDUM BASHKËPUNIMI

Ndërmjet

Business Support Center Kosovo (BSCK) - përfaqësuar nga Drejtori Ekzekutiv **Besnik A. KRASNIQI**

dhe

Komuna e Podujevës përfaqësuar nga Kryetari i Komunës z. **Shpejtim BULLIQI**

Në

Mbështetje të zbatimit të Projektit të BSCK

“Ngritja e kapaciteteve profesionale të të rinjëve dhe bizneseve aktive për zhvillimin e aftësive dhe shkathtësive për ndërmarrësi dhe biznes plane, si dhe dhurimin e granteve për biznese në Komunën e Podujevës”

Neni 1

Qëllimi i bashkëpunimit

Qëllimi i Marrëveshjes së Bashkëpunimit është përcaktimi i termeve dhe kushteve të bashkëpunimit në mes të Komunës së Podujevës dhe Business Support Center Kosovo (BSCK) në implementim të projektit për **“Ngritja e kapaciteteve profesionale të të rinjëve dhe bizneseve aktive për zhvillimin e aftësive dhe shkathtësive për ndërmarrësi dhe biznes plane, si dhe dhurimin e granteve për biznese në Komunën e Podujevës”** të bashkë-financuar nga Ministria e Kulturës, Rinisë dhe Sportit (MKRS), Komuna e Podujevës - Drejtoria e Planifikimit dhe Zhvillimit Ekonomik dhe BSCK.

Qëllimi kryesor i projektit është që të ndihmojë në ndërtimin dhe zhvillimin e ekosistemit të ndërmarrësisë në Podujevë mbi parime profesionale dhe t'i përgatisë të rinjtë dhe të diplomuarit për

punësim dhe vetëpunësim si dhe të kontribuojë në zhvillimin e ndërmarrjeve të reja inovative që e ndihmojnë zhvillimin ekonomik dhe përmirësimin e mirëqenies në vend. Gjithashtu do të ofrohen grante në formë të pajisjeve për pjesëmarrësit e suksesshëm që kanë ide për themelimin e firmave dhe atyre që janë në fazën fillestare të operimit të biznesit. Vlera e granteve dhe kriteret janë në aneks të kësaj kontrate dhe janë pjesë përbërëse e projektit.

Neni 2 Objektivat e përgjithshme

Ky projekt ka këto objektivat:

- a) Trajnimin e 50 pjesëmarrësve për ngritjen e kapaciteteve në ndërmarrësi dhe biznes plane, në mënyrë që të jenë të aftë të menaxhojnë më bizneset e tyre. Ata do të jenë të aftë që të: *përgatitin planet e tyre të biznesit, të menaxhojnë me burimet financiare dhe kontabilitet, të bëjnë promovimin dhe marketingun e produkteve dhe shërbimeve të tyre përmes marketingut digjital, si dhe të përvetësojnë aftësitë negociuese.*
- b) Zhvillimi i ideve nëpërmjet përvojave të bartura dhe të prezantuara, si nga ana e trajnerëve/ekspertëve të angazhuar po ashtu edhe nga pjesëmarrësit.
- c) Përmirësimi i mundësive ekonomike për të rinjtë duke ofruar qasje të qëndrueshme në shërbimet e të rinjëve në Podujevë;
- d) Përmes dhurimit të granteve të arrihet fuqizimi ekonomik i ndërmarrjeve mikro dhe të vogla në Komunën e Podujevës të rrisin kapacitetet konkurruese dhe efikasitetin, njëkohësisht t'i ndihmojmë në tejkalimin e situatës së krijuar nga COVID-19;
- e) Ngritjet e kapaciteteve profesionale të të rinjëve që të sigurojnë një përmirësim të dukshëm për krijimtari dhe inovacion në vendin e punës dhe gjithashtu një forcë punëtore që është shumë e përshtatshme dhe e aftë për të përmbushur sfidat e së ardhmes dhe nevojat e ndërmarrjeve.
- f) Po ashtu, projekti do të kontribuojë në vetëdijësimin e të rinjëve për shfrytëzimin dhe valorizimin e teknologjisë së informacionit;
- g) Për një kohë të shkurtë të qëndrueshme pjesëmarrësit e trajnuar të krijojnë të hyra përmes aktiviteteve të veta biznesore ose kontrata të punës për marketing digjital me punëdhënësit,

Neni 3

Përgjegjësitë e palëve

3.1. Komuna e Podujevës angazhohet me të gjitha kapacitetet njerëzore që të arrijë qëllimet e përcaktuara me këtë projekt duke ju ndihmuar bizneseve në ngritjen e kapaciteteve profesionale si dhe dhurimin e granteve për zhvillim dhe zgjerim të bizneseve.

3.2. BSCK është e obliguar të menaxhoj projektin e bashkë financuar nga BSCK, Komuna e Podujevës dhe Ministria e Kulturës, Rinisë dhe Sportit (MKRS).

Neni 4

Obligimet e Komunës së Podujevës

4.1. Komuna e Podujevës është e obliguar që të bashkëpunoj ngushtë në të gjithë procesin e implementimit të projektit, si në vijim:

- a) Të koordinojë punën me stafin e BSCK-së për implementim të projektit;
- b) Të bëjë shpalljen e thirrjes publike për trajnime dhe grante në të gjitha platformat informuese;
- c) Të bëjë përcaktimin e kriterëve të përfituesëve e granteve;
- d) Të bëjë përzgjedhjen e përfituesëve në bashkëpunim me BSCK;
- e) Përzgjedhja e operatorit ekonomik do të bëhet përmes një procesi publik dhe transparent sipas ligjeve të aplikueshme në Kosovë;
- f) I gjithë procesi i tenderimit për pajisje të granteve (hartimi i termave të referencës, shpallja, përzgjedhja) do të menaxhohet nga Komuna e Podujevës
- g) Të përgatitë raportin final të përfituesëve me të dhëna të mjaftueshme për BSCK
- h) Të mbështesë BSCK me resurse njerëzore dhe logjistike sipas kërkesës;

Neni 5

Obligimet e BSCK

5.1. BSCK është e detyruar të menaxhoj projektin e fituar në Ministria e Kulturës, Rinisë dhe Sportit (MKRS).

5.2. Të menaxhoj në tërësi procesin e implementimit të projektit, subjekt i kësaj marrëveshje, me një proces publik dhe transparent të kërkuara me ligjet e aplikuara në Kosovë.

5.3. BSCK është e obliguar në të gjithë procesin e implementimit të projektit, si në vijim:

- a) Të angazhojë staf profesional dhe kompetent në implementim të projektit;
- b) Të koordinojë punën me stafin e deleguar të Komunës së Podujevës për implementim të projektit;

c) Të bëjë shpalljen e thirrjes publike për organizimin e trajnimeve në bashkëpunim me Komunën e Podujevës;

d) Të bëjë përzgjedhjen e pjesëmarrësve në trajnim në bashkëpunim me Komunën e Podujevës;

5.4. Të sigurohet që ta furnizoj Komunën e Podujevës me të gjitha dokumentet e nevojshme deri në fazën finale të implementimit të projektit.

Neni 6

Financimi dhe kontributet

6.1. Komuna e Podujevës do të alokoj mjete për implementimin e projektit në dhurimin e granteve për biznese në vlerë prej 29.311.00 për dhurimin e granteve në pajisje për punë.

6.2. BSCK do të bëjë implementimin e trajnimeve të financuar nga MKRS në vlerë 13,150.00 euro për implementimin e projektit.

6.3. BSCK është e obliguar të destinoj kapacitetet e saj profesionale dhe teknike në planifikim dhe implementim të të gjithë projektit. Në bashkëpunim me Komunën e Podujevës do të jenë përgjegjës për mbikëqyrjen dhe implementimin e projektit në përgjithësi.

6.4. Për kontributin e vet, BSCK do të bëjë specifikimin e punëve të kryera dhe me një raport të detajuar do t'i dorëzohet me raportin përfundimtar Komunës së Podujevës.

Neni 7

Të ndryshme

7.1. Palët pajtohen që çdo informacion, dokument apo të dhëna, të shkëmbyera apo të pranuar sipas këtij Memorandumi të Mirëkuptimit, do të përdoren vetëm për qëllime të lejuara dhe brenda përkufizimeve të përcaktuar me këtë dokument. Palët nuk do të shpërndajnë apo bëjnë publike asnjë informacion, dokument apo të dhëna ndonjëherë palë për qëllime tjera, jashtë përkufizimeve të përcaktuara me këtë Memorandum apo që mund të bien ndesh me frymën e këtij, pa aprovim paraprak të palës tjetër;

7.2. Palët do të përdorin dhe trajtojnë çdo informacion, dokument apo të dhëna si komunikim të ndërsjellët me besueshmëri të plotë;

7.3. Çdo mosmarrëveshje, keqkuptim në realizimin e këtij Memorandumi, do të zgjidhet në frymën e tolerancës, mirëkuptimit dhe në bazë të suazave të kodit etik dhe moral, si dhe Gjykatën kompetente.

Neni 8
Hyrja në fuqi

8.1. Ky memorandum do të hyjë në fuqi pas nënshkrimit nga përfaqësuesit e autorizuar të BSCK dhe Komuna e Podujevës, gjithashtu do të mbetet në fuqi derisa të modifikohet ose të përfundojë projekti.

8.2. Marrëveshja e Bashkëpunimit hartohet në dy origjinale në gjuhën shqipe për secilën palë nënshkruese nga një kopje.

Neni 9
Përmbyllja e memorandumit të mirëkuptimit

9.1. Memorandum i mirëkuptimit në mes të Komunës së Podujevës dhe BSCK do të përmbillet në tërësi, pasi që BSCK do të i ofroj një raport Komunës së Podujevës ku e siguron që rezultatet e pritura të projektit janë realizuar.

Datë: 27.08.2021, Podujevë.

PALËT NËNSHKRUESE

Prof.asoc.dr.Besnik A. KRASNIQI

Drejtor i BSCK-së



z. Shpejtim BULLIQI

Kryetar i Komunës së Podujevës

